

鍼灸甲乙經目錄卷之七

六經受病發傷寒熱病

上下

足陽明脉病發熱狂走

陰衰發熱厥陽衰發寒厥

太陽中風感於寒濕發瘧

陰陽相移發三瘧

Blank manuscript page with vertical columns.

鍼灸甲乙經卷之七

六經受病發傷寒熱病第一 上

黃帝問曰夫熱病者皆傷寒之類也或愈或死其死皆以六七日之間其愈皆以十日已上者何也岐伯對曰太陽者諸陽之屬也其脉連於風府故爲諸陽主氣人之傷於寒也則爲病熱熱雖甚不死其兩感於寒而病者必不免於死矣 傷寒一日太陽受之故頭項痛腰脊背強 素問無背字 二日陽明受之陽明主肉其脉俠鼻絡於目故身熱目疼而鼻乾不得卧 三日少陽受之少陽主骨 素問作膽 其脉循脇絡於耳故胸脇痛而耳聾三陽 素問下經 皆受病而未入於府 素問作藏 者故可汗而已 四日太陰受之太陰脉布

胃中絡於噤故腹滿而噤乾 五日少陰受之少陰
脉貫腎絡肺繫舌本故口燥舌乾而渴 六日厥陰
受之厥陰脉循陰器而絡於肝故煩滿而囊縮三陰
三陽五藏六府皆受病營衛不行五藏不通則死矣
其不兩感於寒者七日太陽病衰頭痛少愈 八日
陽明病衰身熱少愈 九日少陽病衰耳聾微聞

十日太陰病衰腹減如故則思飲食 十一日少陰

病衰渴止

素問下有
不滿二字

舌乾乃已

十二日厥陰病衰

囊縱少腹微下大氣皆下其病日已矣治之各通其
藏脉病日衰已矣其未滿三日者可汗而已其滿三
日者可泄而已 曰熱病已愈時有所遺者何也曰
諸遺者熱甚而強食故有所遺若此者皆病已衰而

熱有所藏因其穀氣相薄兩熱相合故有所遺治遺者視其虛實調其逆順可使立已病熱少愈食肉則復多食則遺此其禁也 其兩感於寒者一日太陽與少陰俱病則頭痛口乾煩滿 二日陽明與太陰俱病則腹滿身熱不欲食譫語 三日少陽與厥陰俱病則耳聾囊縮而厥水漿不入不知人者故六日而死矣

曰五藏已傷六府不通營衛不行如是後三日乃死何也曰陽明者十二經脉之長其血氣盛故不知人三日其氣乃盡故死

肝熱病者小便先黃腹痛多卧身熱熱爭則狂言及驚胸中

素問無胸中二字

脇滿痛手足燥不得安卧庚辛甚

甲乙大汗氣逆則庚辛死刺足厥陰少陽其逆則頭

疼貢貢

素問作員字

脉引衝頭痛也

心熱病者先不樂數日乃熱熱爭則心煩悶

素又有卒心痛

三善嘔頭痛面赤無汗壬癸甚丙丁大汗氣逆則壬

癸死刺手少陰太陽

脾熱病者先頭重煩痛煩心

素下有顏青二字

欲嘔身熱熱

爭則腰痛不可用俛仰腹滿泄兩頰一本作頰痛甲乙甚

戊己大汗氣逆則甲乙死刺足太陰陽明

肺熱病者先悽悽然厥起皮毛惡風寒舌上黃身熱

熱爭則喘咳痛走胸膈背不得太息頭痛不甚

素作堪

汗出而寒丙丁甚庚辛大汗氣逆則丙丁死刺手太

陰陽明出血如大豆立已

腎熱病者先腰痛脰痠苦渴數飲身熱熱爭則項痛

而強脰寒且痠足下熱不欲言其逆則項痛員員

素問

下有澹澹二字然戊巳甚壬癸大汗氣逆則戊巳死刺足少

陰太陽諸當汗者至其所勝日汗甚

肝熱病者左頰先赤 心熱病者顏頤先赤 脾熱

病者鼻先赤 肺熱病者右頰先赤 腎熱病者頤

先赤病雖未發者見赤色者刺之名曰治未病熱病

從部所起者至期而已其刺之反者三周而已重逆

則死 諸治熱病先飲之寒水乃刺之必寒衣之居

止寒處身寒而止病甚者爲五十九刺 熱病先胸

脇痛滿手足躁刺足少陽補足太陰病甚者爲五十

九刺 熱病先身重骨痛耳聾好暝刺足少陰病甚

者爲五十九刺。熱病先眩冒而熱胸脇滿刺足少

陰少陽太陽之脉色榮顴骨熱病也榮未天

素問作未交下

同曰今且得汗待時自已與厥陰脉爭見者死其死

不過三日。熱病氣內連腎少陽之脉色榮頰前熱

病也榮未天曰今且得汗待時自已與手少陰脉爭

見者死其死不過三日。其熱病氣穴三椎下間主

胸中熱四椎下間主胃中熱五椎下間主肝熱六椎

下間主脾熱七椎下間主腎熱榮在臑也項上三椎

骨陷者中也頰下逆顴爲大瘕下牙車爲腹滿顴後

爲脇痛頰上者鬲上也

冬傷於寒春必溫病夏傷於暑秋必病瘧。凡病傷

寒而成溫者先夏至日者爲病溫後夏至日者爲病

暑暑當與汗皆出勿止所謂立府者汗孔也

曰刺節言徹衣者盡刺諸陽之奇俞未有常處願卒
聞之曰是陽氣有餘而陰氣不足陰氣不足則內熱
陽氣有餘則外熱兩熱相薄熱於懷炭衣熱不可近
身身熱不可近席腠理閉塞而不汗舌焦唇稿黃帝
古針經作稿脂噍乾欲飲取天府大杼三痛刺中膻以去其
熱補手足太陰以去其汗熱去汗晞疾於徹衣

八十一難曰陽虛陰盛汗出而愈下之即死陽盛陰

虛汗出而死下之即愈

與經乖錯於義
反例不可用也

曰人有四肢熱逢風寒如灸如火者何也曰是人陰
氣虛陽氣盛四肢熱者陽也兩陽相得而陰氣虛少
少水不能滅盛火而陽氣獨治獨治者不能生長也

獨盛而止耳故逢風如灸如火者是人當肉爍也
曰人身非常溫也非常熱也而煩滿者何也曰陰氣
少陽氣勝故熱而煩滿

曰足太陰陽明爲表裏脾胃脉也生病異者何也曰
陰陽異位更實更虛更逆更順或從內或從外所從
不同故病異名陽者天氣也主外陰者地氣也主內
陽道實陰道虛故犯賊風虛邪者陽受之則入府食
飲不節起居不時者陰受之則入藏入六府則身熱
不得眠上爲喘呼入五藏則臍滿閉塞下爲飧泄久
爲腸澼故喉主天氣咽主地氣故陽受風氣陰受濕
氣故陰氣從足上行至頭而下行循臂至指端陽氣
從手上行至頭而下行至足故曰陽病者上行極而

下陰病者下行極而上故傷於風者上先受之傷於濕者下先受之也

六經受病發傷寒熱病第一 中

黃帝問曰病熱有所痛者何也岐伯對曰病熱者陽脉也以三陽之盛也人迎一盛在少陽二盛在太陽三盛在陽明夫陽入於陰故病在頭與腹乃臍脹而頭痛也曰病身熱汗出而煩滿不解者何也曰汗出而身熱者風也汗出而煩滿不解者厥也病名曰風厥太陽爲諸陽主氣

素問作巨陽主氣

故先受邪少陰其

表裏也得熱則上從上從則厥治之表裏刺之飲之

服湯曰溫病汗出輒復熱而脉躁疾者不爲汗衰

狂言不能食病名曰何曰名曰陰陽交交者死人所

以汗出者皆生於穀穀生於精今邪氣交爭於骨肉而得汗者是邪退精勝精勝則當能食而不復熱復熱者邪氣也汗者精氣也今汗出而輒復熱者是邪勝也不能食者精無裨也熱而留者壽可立而傾也夫汗出而脉躁盛者死今脉不與汗相應此不勝其病其死明矣狂言者是失志失志者死此有三死不見一生雖愈必死病風且寒且熱炆汗出一日數欠先刺諸分理絡脉汗出且寒且熱三日一刺百日而已

曰何謂虛實曰邪氣盛則實精氣奪則虛重實者內

素問作言

大熱病氣熱脉滿是謂重實

曰經絡俱實何

如曰經絡皆實是寸脉急而尺緩也皆當俱治故曰

滑則順濇則逆夫虛實者皆從其物類治

素問作始

故五

藏骨肉滑利可以久長寒氣暴上脉滿而實實而滑

順則生實而逆則死盡滿者脉急大堅尺滿

一作濇

而

不應也如是者順則生逆則死所謂順者手足溫所

謂逆者手足寒也

曰何謂重虛曰脉虛氣虛尺虛

是謂重虛也所謂氣虛者言無常也尺虛者行步悞

然也脉虛者不象陰也如此者滑則生濇則死氣虛

者肺虛也氣逆者足寒也非其時則生當其時則死

餘藏皆如此也脉實滿手足寒頭熱

一作痛

者春秋則

生冬夏則死脉浮而濇濇而身有熱者死絡氣不足

經氣有餘者脉口熱而尺寒秋冬爲逆春夏爲順治

主病者經虛絡滿者尺熱滿脉口寒濇春夏死秋冬

生絡滿經虛灸陰刺陽經滿絡虛刺陰灸陽

曰秋冬無極陰春夏無極陽者何謂也曰無極陽者春夏無數虛陽明陽明虛則狂無極陰者秋冬無數虛太陰太陰虛則死 春極治經絡夏極治經俞秋亟治六府冬則閉塞治用藥而少鍼石所謂少鍼石者非癰疽之謂也

熱病始手臂者先取手陽明太陰而汗出始頭首者先取項太陽而汗出始足脛者先取足陽明而汗出臂太陰

靈樞作陽

可出汗足陽明可出汗取陰而汗出甚

者止之陽取陽而汗出甚者止之陰振寒慄慄鼓頤不得汗出腹脹煩悶取手太陰 熱病三日氣口靜人迎躁者取之諸陽五十九刺以寫其熱而出其汗

實其陰以補其不足 身熱甚陰陽皆靜者勿刺之

其可刺也急取其不汗則泄所謂勿刺皆有死徵也

熱病七日八日脉口動喘而眩者急刺之汗且自

出淺刺手大指間 熱病七日八日脉微小病者溲

血口中乾一日半而死脉代者一日死 熱病已得

汗而脉尚躁

一本盛作

喘且復熱勿庸

一本作

膚刺喘盛者必

死 熱病七日八日脉不躁不散數後三日中有汗

三日不汗四日死未汗勿庸刺 熱病先膚痛窒鼻

克面取之皮以第一鍼五十九刺苛鼻乾

靈樞作診鼻乾

索

於皮肺不得索之於火火者心也

熱病先身濇煩

而熱煩悶唇嗑乾取之皮以第一鍼五十九刺 熱

病膚脹口乾寒汗出索脉於心不得索之於水水者

腎也 熱病噤乾多飲善驚卧不能安取之膚肉以

第六鍼五十九刺目眇赤

靈樞作青

索肉於脾不得索之

於木木者肝也

熱病而胸脇痛

靈樞作面青胸痛

手足躁

取之筋間以第四鍼鍼於四逆筋蹇目浸索筋於肝

不得索之於金金者肺也

熱病數驚瘈瘲而狂取

之脉以第四鍼急寫有餘者癰疾毛髮去索血於心

不得索之於腎腎者水也

熱病身重骨痛耳聾好

瞑取之骨以第四鍼五十九刺骨病不食齧齒耳青

赤索骨於腎不得索之於土上者脾也

熱病不知

所病耳聾不能自收口乾陽熱甚陰頗有寒者熱在

髓也死不治

熱病頭痛顛顛目脉緊

一本作瘕

善衄厥

熱病也死之以第三鍼視有餘不足

寒熱痔

一作痛